



Bosnia and Herzegovina
Federation of Bosnia and Herzegovina
CANTON SARAJEVO
Cantonal Civil Protection Administration

Broj: 06-11-804-8/22
Sarajevo, 04.08.2022. godine

Na osnovu člana 70. st. (1), (3) i (6) Zakona o javnim nabavkama ("Službeni glasnik Bosne i Hercegovine", broj 39/14), člana 8. stav (2) tačka d) Pravilnika o uspostavljanju i radu komisije za nabavke ("Službeni glasnik Bosne i Hercegovine", broj 103/14) na Preporuku Komisije za nabavku, broj: 06-11-804-6/22 od 29.07.2022. godine, u postupku javne nabavke roba: "Radne vatrogasne uniforme", direktor Kantonalne uprave civilne zaštite Kantona Sarajevo, d o n o s i

ODLUKU
o izboru najpovoljnijeg ponuđača u postupku javne nabavke roba:
"Radne vatrogasne uniforme"

Član 1.

Prihvata se Preporuka Komisije za nabavku, broj: 06-11-804-6/22 od 29.07.2022. godine, i ugovor za javnu nabavku roba: "Radne vatrogasne uniforme", dodjeljuje se ponuđaču Uslužnost d.o.o., ul. Branilaca Sarajeva br. 39, 71000 Sarajevo prema ponudi broj: 213/22 od 27.07.2022. godine za ponuđenu cijenu u iznosu od 149.760,00 KM bez PDV-a, kao najpovoljnijem ponuđaču.

Član 2.

Izabrani ponuđač je dužan dostaviti original ili ovjerenu kopiju dokumenta iz člana 45. stav (1) tačka a) do d) Zakona o javnim nabavkama u roku od 5 (slovima: pet) dana, računajući od dana kada je obaviješten o izboru najpovoljnije ponude, ukoliko isti nisu dostavljeni uz ponudu.

Član 3.

Prijedlog ugovora o nabavci dostavit će se na potpis izabranom ponuđaču nakon isteka roka od 15 (slovima: petnaest) dana, računajući od dana kada su svi ponuđači obaviješteni o izboru najpovoljnije ponude.

Član 4.

Ova Odluka objavit će se na internet stranici Kantonalne uprave civilne zaštite Kantona Sarajevo (www.kucz.ks.gov.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav. (6) Zakona o javnim nabavkama.

Član 5.

Za realizaciju ove Odluke zadužuju se Kantonalna uprava civilne zaštite Kantona Sarajevo i Ministarstvo finansija Kantona Sarajevo, da izvrši prijenos sredstava po naredbi Kantonalne uprave civilne zaštite Kantona Sarajevo, u skladu sa planom Budžeta Kantona Sarajevo.

Član 6.

Ova Odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke, broj: 06-11-804/22 od 24.06.2022. godine, putem otvorenog postupka javne nabavke.

Procijenjena vrijednost javne nabavke roba: "Radne vatrogasne uniforme" je 150.000,00 KM bez PDV-a.

Komisija za nabavku je imenovana Odlukom, broj: 06-11-804-1/22 od 24.06.2022. godine.

Obavještenje o nabavci, broj: 282-1-1-37-3-22/22, objavljeno je dana 06.07.2022. godine na Portalu javnih nabavki, kao i tenderska dokumentacija.

Komisija za nabavku dostavila je dana 03.08.2022. godine direktoru Kantonalne uprave civilne zaštite Zapisnik o pregledu i ocjeni ponuda, Preporuku o izboru najpovoljnijeg ponuđača i Izvještaj o provedenom postupku javne nabavke.

Na osnovu dostavljenog Izvještaja o provedenom postupku javne nabavke utvrđeno je da je Komisija za nabavku blagovremeno i pravilno izvršila otvaranje ponuda, pregled i ocjenu primljenih ponuda, o čemu je sačinila Zapisnik sa otvaranja ponuda i Zapisnik o pregledu i ocjeni ponuda u kojima je utvrđeno sljedeće:

- Da su u predmetnom postupku zaprimljene 3 (tri) ponude;
- Da su blagovremeno zaprimljene 3 (tri) ponude;
- Da nije bilo neblagovremeno primljenih ponuda;
- Komisija u postupku javne nabavke roba: "Radne vatrogasne uniforme" je utvrdila da ponuda ponuđača Uslužnost d.o.o. ispunjava sve zahtjeve u pogledu opisa predmeta nabavke, tehničkih specifikacija i dostavljenog uzorka.
- Komisija je u predmetnom postupku javne nabavke utvrdila da ponude ponuđača Euro Vez d.o.o. i Danials d.o.o. ne ispunjavaju sve zahtjeve iz TD i kao takva su nekvalifikovane i odbacuju se iz predmetnog postupka javne nabavke, zbog sljedećeg:

Ponuda ponuđača Eurovez d.o.o. ne ispunjava sve zahtjeve u pogledu zahtjeva iz tačke 3.4 TD jer je dostavio uzorak radne vatrogasne uniforme sa sljedećim nedostacima:

Košulja:

- nema dva šava na rukavima, a u izvještaju vizuelne kontrole koji je izdao Euro Inspekt d.o.o. broj: 2343-04/22 od 21.07.2022. godine na 49. strani ponude piše da su rukavi krojeni iz jednog dijela što nije u skladu sa Uredbom.

Pantalone:

- na zadnjem džepu su dvije kopče, a Uredbom je predviđena jedna.

Vjetrovka:

- ima kose džepove, a Uredbom nije predviđeno.

Ponuda ponuđača Danials d.o.o. ne ispunjava sve zahtjeve u pogledu zahtjeva iz tačke 3.4 TD jer je dostavio uzorak radne vatrogasne uniforme sa sljedećim nedostacima:

Kapa:

- u dostavljenom Izvještaju laboratorijske analize Euro Inspekta d.o.o. za sirovinski sastav kape broj: 2435-1/22 od 26.07.2022. godine sa sljedećim parametrima: 33,7% pamuk, 66,3% poliester, a Uredbom je predviđeno 50% pamuk 50% poliester. Također, vizuelnim pregledom i mjerenjem visine oboda kape je ustanovljeno da je na prednjem dijelu obod visine 7 cm; na bočnom dijelu 8 cm, a visina oboda na zadnjem dijelu kape nije ujednačena i kreće se od 7 cm do 8,5 cm, a Uredbom je visina oboda definisana 7 cm.

Pantalone:

- u dostavljenom Izvještaju laboratorijske analize Euro Inspekta d.o.o. za sirovinski sastav pantalona broj: 2435-1/22 od 26.07.2022. godine sa sljedećim parametrima: 33,7% pamuk, 66,3% poliester, a Uredbom je predviđeno 50% pamuk 50% poliester. Također, vizuelnim pregledom pantalona je ustanovljeno da se džepovi u visini natkoljenice kopčaju sa jednom kopčom, a Uredbom je predviđeno da se kopčaju kopčama.

Bluza:

- u dostavljenom Izvještaju laboratorijske analize Euro Inspekta d.o.o. za sirovinski sastav bluže broj: 2435-1/22 od 26.07.2022. godine sa sljedećim parametrima: 33,7% pamuk, 66,3% poliester, a Uredbom je predviđeno 50% pamuk 50% poliester. Također, vizuelnim pregledom bluže ustanovljeno je da se prednji džepovi kopčaju sa jednom kopčom, a Uredbom je predviđeno da se kopčaju kopčama.

Košulja:

- u dostavljenom Izvještaju laboratorijske analize Euro Inspekta d.o.o. za sirovinski sastav košulje broj: 2435-2/22 od 26.07.2022. godine sa sljedećim parametrima: 37,2% pamuk, 62,8% poliester, a Uredbom je predviđeno 100% pamuk. Također, vizuelnim pregledom košulje ustanovljeno je da se kragna leđnog dijela košulje ne završava u špic.

Majica:

- na dostavljenom uzorku iznad grba vatrogasne jedinice nije utisnuta oznaka funkcije u vatrogasnoj jedinici.

Cipele:

- uložna tabanica nema oko za masažu. Dostavljeni uzorak na gornjem dijelu sare oko cijelog članka nema spužvasto ojačanje.

Obzirom da su ponuđači prema tački 3.4 TD bili dužni dostaviti uzorke prema opisima i zahtjevima iz tehničke specifikacije odnosno u skladu sa Uredbom o uniformama, nazivima funkcijama i funkcionalnim oznakama vatrogasaca u profesionalnim i dobrovoljnim vatrogasnim jedinicama, ovlaštenja starješina tih jedinica, zaštitnoj i radnoj odjeći i opremi vatrogasaca ("Službene novine FBiH", broj 08/11) ponude ponuđača Euro Vez d.o.o. i Danials d.o.o. su ocijenjene kao neprihvatljive.

U postupku ocjene provedenog postupka predmetne nabavke, rukovodilac ugovornog organa nije našao razloge nepravilnosti niti propuste u radu, koje bi eventualno bile osnov za neprihvatanje preporuke Komisije za nabavku.

Naime, u postupku je ocijenjeno da je Komisija za nabavku u svemu pravilno postupila, te da je preporuka o izboru najpovoljnijeg ponuđača u postupku javne nabavke data u skladu sa odredbama Zakona o javnim nabavkama, podzakonskim i općim aktima.

Iz navedenih razloga, primjenom člana 64. stav 1. tačka b), člana 70 st. (1), (3) i (6) Zakona o javnim nabavkama i člana 8. stav (2) tačka d) Pravilnika o uspostavljanju i radu komisije za nabavke, odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se izjaviti žalba najkasnije u roku od 10 (deset) dana od dana prijema ove Odluke.

Žalba se izjavljuje Uredu za razmatranje žalbi Bosne i Hercegovine, putem ugovornog organa, kao prvostepenog organa i to na način propisan odredbama člana 99. Zakona o javnim nabavkama.

Ugovorni organ će postupati po žalbi na način propisan odredbama člana 100. Zakona o javnim nabavkama.

Dostavljeno:

- Svim ponuđačima
- Sektoru za ekonomske poslove KUCZ KS
- Ministarstvo finansija Kantona Sarajevo
- a/a

